

# ТРАКТОР

ВКП(б)-лэн Дебесской Райномезлэн, Райсоветлэн органзы

РЕДАКЦИЛЭН АДРЕСЭЗ:

ДЕБЕСС

СЕЛО,

УДМУРТСКОЙ

А С С Р.

## Агитатор'ёс, почетной уж бордады!

СССР-лэн Верховной Советазлэн Президиумезлэн Указэз'я 1941 арын 26-тй январе 360 номеро Глазовской избирательной округ'лэсь Союзлэн Советаз депутат'ёсты быр'ён'ёс ортчтыны пус'емын. Та округе асьме Дебесской район но пыре.

360 номеро Глазовской избирательной округлэсь Союзлэн Советаз депутат'ёсты быр'ён'ёс'я Дебесской районуны 19 избирательной участок'ёс но избирательной участок'ёслэн комиссиосы выдатылэмьни. Избирательной участок'ёслэн комиссиосазы ужаны районьсытмы трудящойес умойёсса, передовой адыности, осконэ эл'ёсты ыстылэсы. Комиссиос ас почетной уж'ёсазы кутекизы ни.

1941-тй арын 26 январе асьме районьсы трудящойес избирательной участок'ёсы мыныса асьсэлэсь голос'ёссэс сётозы коммунист'ёслэн но беспартийнойёслэн блоксылэн кандидат'ёссы понна. Советской государственной высшой органаз — СССР-лэн Верховной Советаз соос быр'ёсы родинамылэсь умоеь адыности, куд'ёсыз пумозяз преданной луо Ленинлэн — Сталинлэн партиезлэн ужэсы.

Асьме Глазовской избирательной округ'я, Глазовской районьсы азымылэсь колхоз'ёсысь колхозник'ёс но азымылэсь предприятиосысь рабочийёс Союзлэн Советаз депутатэ кандидатэ выдвинуть карызы Удмуртской АССР лэн Верховной Советазлэн Президиумезлэсь председателэз **Артемий Ефимович Павлов** эшез — Ленинлэн — Сталинлэн партиезлэн узелы пумозяз преданной муртэз, калыклэсь верной пиэз. Поддержать каром соослэсь депутатэ кандидатэс.

СССР-лэн Верховной Советаз быр'ён'ёс'я агитаторэн ужаны вис'ял мурт'ёслы избирательёс пöлын валэктоно, агитировать кароно ни А. Е. Павлов кандидат понна — коммунист'ёслэн но беспартийной-

ёслэн блоксылэн кандидатэз понна. Озынык вань избирательёслы валэктоно Сталинской Конституциез, бырийськон Положениез, чтобы одйг избиратель но тодытак медам кылы — Сталинской Конституция бырийськон законэз.

Избирательной кампания тупа ВКП(б) лэн XVIII Всесоюзной конференциезлы дасяськонэн. Большевик'ёслэн конференциезлысь устьйськон нуналэз Дебесс районьсытмы трудящойес вылы производственной жутокван но политической активностен пумитаны дасясько. Партиэл конференциезлысь устьйськон нуналэз «Молодая республика» колхоз, Б-Кизня сельсоветысь вань колхоз'ёс тулыс ю кизёны образцово дасяськыса пумитан понна вылазы обязательствоос басытылэзы. Усть-Медлаысь рогожно-веревочной мастерскойын ужасьёс XVIII Всесоюзной партконференцилэн нимыныз нимама социалистической «соревнование пырыськыса, конференция устьйськытозы — 15-тй февралэз 100 процентлы быдэстон понна нюр'ясько январь но февраль толэзёсы пус'ем производственной планэс.

Орточем бырийськон кампаниосы районуны 468 мурт агитатор'ёс ужаса, бад'ым агитационно-массовой уж нулызы. Али Союзлэн Советаз бырийськон'я но ог сомьнда ик агитатор'ёс вис'ялмын. Но жалано луэ, та дырозь соос умой-умой почетной уж бордазы өз кутске на. Вань агитатор'ёслы чик могатак агитационно-массовой уж нуон бордазы кутеконо. Агитатор'ёслы коркась-корка ветлыса пырпоч мадиськылоно ваньмызы избирательёслы Сталинской Конституция бырийськон закон сярэсь. Та намен Союзлэн Советаз бырийськон нуналэз по ВКП(б)-лэн XVIII Всесоюзной конференциезлысь устьйськон нуналэз вылэсь производственной вормон'ёсын пумитан понна нюр'яськон организовать кароно.

## Голосмес сётом коммунист'ёслэн но беспартийнойёслэн блоксылэн кандидат'ёссылы

Бад'ым политической под'ёмен ортчиз предвыборной собрание Шуралуд сельсоветысь «Кр. сеятель» колхозын. Комсомолец Владимир Никитин но колхозник А. С. Васильев предвыборной районной собрание И. М. Рядозубов эшез выдвинуть карыса веразы, что Сталинской Конституция асьме Советской Союзын самой демократической выбор'ёс ортчыло. 26-тй январе Союзлэн Советаз депутат бырийку ми голосмес сётом коммунист'ёслэн но беспартийнойёслэн блоксылэн кандидат'ёссылы. Бырийськон нуналэз пумиталом вылэсь производственной вормон'ёсын.

Колхозник'ёслэн собранизы ВКП(б)-лэн XVIII Всесоюзной конференциезлэн нимыныз нимама соревнование пырыськыса, вылазы обязательствоос бастызы: 10-тй январозь быдэстыны ю кидыс'ёсты триеровать каронэз но егйн ужанэз; 20-тй январозь быдэстыны муз'ем ужан машинаосты ремонтировать каронэз но кыед поттонэз (кыед поттом 68 тонна). 15-тй январозь дышетскымтэослы выпуск лэсьтом; 10-тй январозь тырмытом культбор тыронмес.

**П. А. АФНАСЬЕВ,**  
Шуралуд сельсоветлэн председателэз.

## Агитатор'ёс участок'ёсазы потызы

4-тй январе Шуралуд сельсовет агитатор'ёсын совещание орчтылэ. Бырийськон'я агитационно-массовой уж нуныны 35 мурт агитатор'ёс вис'я-

мын. Соос ваньзы ас участок'ёсазы почетной уж — агитационно-массовой уж нуныны потызы.

**П. Афанасьев.**

## Поддержать каром А. Е. ПАВЛОВЛЭСЬ кандидатуразэ!

Удмуртской АССР-ысь Дебесской районуны «Молодая республика» сельхозартельсысь колхозник'ёслэн

## ВАЗИСЬКОНЗЫ

СССР-лэн Верховной Советазлэн Президиумезлэн 12-тй декабре 1940 арын Указэз'я 360 номеро Глазовской избирательной округлэсь СССР-лэн Верховной Советаз депутата бырийськон кампания ортчтыське 1940 арлэн 26-тй декабрьсепыз 26-тй январозь 1941 арын.

Ми, «Молодая республика» колхозысь колхозник'ёс но колхозницаос 4-тй январе предвыборной собраниямы СССР-лэн Верховной Советаз депутатэ кандидатэ 360 номеро Глазовской избирательной округ'я Глазовской районуны «Азылань» колхозысь колхозник'ёслэсь выдвинуть каром кандидатэс — Удмуртской АССР-лэн Верховной Советазлэн Президиумезлэсь председателэз **Артемий Ефимович Павлов** — огмылкыдын подерживать карыськом.

Ми вазыськыськом Глазовской избирательной округысь ваньмызы бырийськысылэсь милэсьтым предложение нимес подерживать карыны но огмылкыдын асытэ голос'ёстэс **Павлов** эш понна сётыны отысы.

**Артемий Ефимович Павлов** удмурт крестьян семьян вордскиз. Дас кык арэсысен, начальной школын дышетсконэз быдэстэм берэз, аслаз бубилэнь хозяйствезэс ужа, собере пош ас понназ ужаны кошке. Мировой империалистической войналэз вырысь нуналысеныз ик **Павлов** эш фронтын вал. 1918 арын бжыт дырлы гинэ со аслаз гуртаз бертылэ но жоген Красной Армиэлэн рад'ёсаз мынэ. Колчаклы но белополяк'ёслы пумит нюр'яськоньны активно участвовать кариз. 1920 арын мартэ но апрелэ уфимской контрреволюционной восстаниез зыбынны участвовать каре.

Гражданской война бырем бере, 1921 аре, **Павлов** эш пош ик бертэ аслаз гуртаз. Татын сое жоген быр'ё Уканской волносполкомлы председателэ. Та ужын со 1925 арозь ужа. Собере Казанской коммунистической университетын дышетске, Глазовской, Базинской но Кезской район'ёсын хозяйственной уж'ёсын ужа. Ленинградын

МТС-ёслэн директор'ёссылэн курсы дышетске.

1938 арын Ярской округысь избирательёс **Павлов** эшез Удмуртской АССР-лэн Верховной Советаз депутатэ быр'ё. 1938 арын августэ сое быр'ё Удмуртской АССР-лэн Совнаркомезлэн председателэзлэн заместителэз луыса но Удмуртской АССР-лэн нюлэс промышленностилэн народпой комиссарез луыса. 1939 арын августэ сое быр'ё Удмуртской АССР-лэн Верховной Советазлэн Президиумезлы Председателэ.

Бад'ым хозяйственной ужез чөшик **Артемий Ефимович Павлов** активно участвовать каре партийной улопын но. Сое-уно под быр'ё ВКП(б)-лэн Глазовской, Базинской но Кезской райком'ёсызлэн бюрозы членэ. 1940 аре областной партийной конференциян **Павлов** эшез ВКП(б)-лэн областной комитетэзлы членэ быр'ё, пленумын пош — обкомлэн бюрозлы членэ. **Павлов** эш Ижевской городской Советлэн депутатэз луэ.

Бырийсь эш'ёс, СССР-лэн Верховной Советаз быр'ён'ёс дыр'я огмылкыдын голосовать каре коммунист'ёслэн но беспартийнойёслэн сталинской блоксылэн кандидатэз понна — **Артемий Ефимович Павлов** понна!

СССР-лэн Верховной Советаз быр'ён'ёс нунал азе, ми, «Молодая республика» колхозысь колхозник'ёс но колхозницаос вань хозяйственно-политической уж'ёсты азынлыко быдэс'ян понна бастыськомы таце обязательствоос:

Пырыськыськомы 18 партийной конференцилэн нимыныз нимама социалистической соревнование.

1940 арлы милиам котькуд колхозной хозяйство бастэ газет'ёс, со саяна толэзлы быдэ поттылом кык стенной газета. Партийной конференциез устын нуналэз быдэтом неграмотностез но малограмотностез. Бырийськон нунал азелы кылдытомы агро-зоотехкружок'ёсты. Бырийськон нунал азелы орчтытомы тулыс ю кизёны дасяськыны

таце мероприятиясы:

1. Дасяломы 25 центнер пень;
2. Поттомы 720 центнер кыед;
3. Быдэстом вань кидысэз сортировать каронэз но орчтытом нырысьсэ соослэсь поттолысьсэ эскеронэз;
4. Быдэстом вань сельхозинвентарез тупат'яныз;
5. Тулыс ю кизён азелы вал'ёслэн упитанностьсы шоролыколысь ултй медаз луы;
6. Сохранить каром вань молоднякэз;
7. Быр'ён'ёс нунал азелы дасялом навозохранилищелы нюлэс материал;

8. 1941 арлэн нырысь кварталэздэсь нюлэс дасян планэз бырийськон нунал азелы быдэстом 50 процентлы но 1 март азелы — 100 процентлы;

9. Тулыс азе ваём 30 тонна минеральной удобренияс, 30 гектар вылын орчтытом лымы жегатон. Кизёны орчтытомы сортировать но протравить каром кидысэ;

10. 1941 арын кылдытом чорыг вордон пруд;

11. Умой жечлыкын возем колхозмылэсь юматэм трактэз, мерттылом сад'ёс;

12. 1942 арлэн январез азелы суро бад'ым пудолэсь йырлэдзэс вуттом 120-озь, со пöлысь кысконо скал'ёсты 60 йырозь, ыж'ёсты вуттомы 115-озь, мумы парсьёсты 24-озь. 1941 аре котькуд фуражной скаллэсь 1750 литр йодзэ кысконо.

Ми вазыськыськом Дебесской районуны избирательёслы пырыськыны вань хозяйственно-политической уж'ёсты азынлыко быдэс'ян понна соревнование.

Избиратель эш'ёс! Ваньмы лыктомы 26 январе избирательной урнаос доры но сётомы голос'ёсмес Ленинлэн — Сталинлэн партиезлэн верной пиэзы — **Артемий Ефимович Павлов** эшлы!

Дано мед луоз СССР-лэн Верховной Советаз быр'ён'ёсын коммунист'ёслэн но беспартийнойёслэн Сталинской блоксы!

Дано мед луоз победившой социализмлэн но подлинной демократизмлэн Конституциезлэн творецез — **Великой Сталин!**

## ПУДОЛЫ ПЕРЕПИСЬ

Пудоослы Всесоюзной перепись орчтытом Дебесс районунын кутскиз 1-тй январысен. 1941 арын 1-тй январе 8 часын чукна счетчик'ёс ас почетной умазы кутскизы. Калык счетчик'ёсын умой обращаться карыське, пудооссэс шонер гожтыло. Но вань соос пöлын таце адымиос, куд'ёсыз переписьлэсь значениез валатэк, пудооссэс ваньзэ уг верало. Тани М-Зетымысь К. А. Стрелков В. В. Иванов счетчиклы одйг гинэ ыж гожтытэм. Потыса гилдысь эскеро но куны йыр вылэм ыж'ёсыз. Та уж луэ сонин, что калыклы сельсовет ласянь умой-умой переписьлэсь значениез валэктымтээн.

**И. Хохряков.**

Виницкой областысь Виницкой районуны «Шляхом Ленина» колхозын умой ужа стахановской школа. Отын заниматься карыське ваньзы бригадир'ёс, звеньевойёс, дояркаос, конюх'ёс но тросэз колхозник'ёс.



Агрокружокын занятие. Азыпалаз — ефремовской звеноослэн звеньевойёсы В. А. Олевичкая (шалляназ) но В. П. Пгнашук.

# АГРОТЕХНИЧЕСКОЙ МЕРОПРИЯТИОСТИ ОРТЧЫТ'ЯН ПЛАН

(Дебесс сельсоветы Ленинлэн нимыныз нимама колхозлэн)

Шонер тупатэм севооборот урожаеэ жутонын но кормовой базаеэ паськытатонин луэ основной но важной мероприятиен, сое лыдэ басытыса Ленинлэн нимыныз нимама колхоз тупатэ кык основной севооборот: основное полевой но приусадебной. Основное севооборот семипольной, кытчы кизисько валэсю но тысё ю культураос, жыныаз бусые турын кызылыса таё чередования: 1. Пар, 2. Зег, 3. Валэс тысё ю (сезы) жыны лудэ турынэн суро, жыны лудэ тысё ю коже, 4. клевер нырысь укосэн жыны луд, пар—жыны луд, 5. Клевер кытэтэ укосэн жыны луд, зег—жыны луд, 6. Етин, чабей, бобовой культураос. 7. Валэс тысё юс (сезы). Таё севооборот'я вань луд'ёсы культураос тазы кизисько: пар луэ ваньмыз лудэн жыныен, зег—лудэн жыныен, клевер одиг но кык укосэз—одиг луд, валэс юс куинь луд (бусы) тыр кизисько.

Приусадебной севооборот вить бусыен, животноводческой фермасты вож, сочной турынэн обеспечить карон понна та служить каре. Муз'ем вис'яске фермалы матысь бусыосысь, 1940 арин, выдилько но устойчивой урожай басытон понна колхоз тачеэ агрономической мероприятиос ортчытыны пус'е:

## I. Ю кидыс'ёс'я

1. Ю кидыс но страховоной фонд'ёс кысэтонэз вань культураос'я быдэстоно 1-ти январь азе, трировать каронэз быдэстоно 1941 арин 20 январозь, 3. Кидыс'ёслэсь потондык'сэс кык под эскерон ортчытоно, нырысетйэ 1-ти декабрыз, кытэтйэ ортчытом 1-ти март азелы. 4. Сельскохозяйственной вредительёсын нюр'яскыны дасяно протравительёсты но яд'ёсты 1 ти февралезь. 5. Яровой озимой культураосы 1941 арин кизёно сортоной кидыс'ёсын, еосолэн вёчлыксы тупатэм стандартлэсь улти медам луды. Кизём таё сорто культураосы: а) зег—вятка, б) яровой чабей—лютеценс 62, в) йыды—винер, г) кбжы—капитал, д) сезы—золотой дождь но мираж, е) етин—альфа.

## II. Удобрение дасян

Дасяно но поттоно интысь удобрениэ: кыед 516 тонна, торф 300 тонна, тыло бурдо кыед—15 центнер, пень—50 центнер. 2. Ваёно минеральной удобрение ваньзэ 235 тонна, со лыдын: суперфосфат 10,5 тонна, калийной сыдал 8,0 тонна, аммиачной селитра 5,0 тонна. 3. Ваёно нитрагидэз кбжы улэ 30 гектарды, клеверды 160 гектар вылэ но азотгенэз 30 гектар вылэ.

## III. Яровизация

1. Сезы кидысы яровизация ортчытоно 35 гектар вылын. 2. Яровой чабейлы яровизация орчытоно 20 гектар вылын. 3. Картофкалы яровизация орчытоно 18 гектар вылын.

## IV. Протравливание

1. Формалинен протравливать каронэз орчытоно вань площадь вылэ кизёно сезы но йыды кидысэз 2 «АВ» препаратэн протравливать каронэз орчытоно кбс способен вань площадь вылэ кизёно чабей кидысэз. 3. Давыдов препаратэн протравливать каронэз орчытоно кбс способен вань кизёно етин кидысэз.

Нимыстыз культураос'я таё агротехника пыртоно; 1. Зег—основной севооборотын 7 но 3 бусыосы кизисько, предшественникэз вань пар.

## Орчтыт'яском мероприятиос:

а) лымы жегатон II но III бригадоослэн участок'ёсазы 35 гектар вылын, б) суперфосфатэн подкормка орчытоно одиг гектарлы центнерен жыныен луд'яса 30 гектар вылын, в) кык улэ гырем музэз вань тулыс зиг-заг усыен усыан орчытоно 50 гектар вылын.

2. Етин — кизисько основной севооборотын 4 бусые 53 гектар клевер кызылым вылэ но 7 гектар зег кызылым вылэ. Участок сизыл гыремын кык улэ тракторен 20 сантиметр мурдала.

## Орчтыт'яском таё мероприятиосы:

а) 30 гектар вылын лымы жегатов;

б) нюр-котэз сохранить карон понна вань тулыс вань площадь вылын орчытоно зиг-заг усыен одиг пол усыанэз;

в) 9 гектар вылэ пень поттоно, котькуд гектарлы быдэн 6 центнер; г) 51 гектар вылэ калийной сыдал поттоно, котькуд гектаде 1,5 центнер;

д) 20 гектар вылэ суперфосфат поттоно, котькуд гектараз 3,5 центнер;

е) тракторной культиваторен 10-12 сантиметр мурдалае культивация, со дыре ик зиг-заг усыен кык полэс усыяса;

ж) етин кизёноз орчытоно етин кизен машинаен;

з) вань сорняк'ёсты быдтычож орчытоно жаг-турын уронэз; и) вань кизем площадь вылын льняной блошкаен но мукет вредительёсын нюр'яскыно;

к) 33 гектар/вылэсь кизем етинез аммиачной селитраен подкармливать карон.

## 3. Чабей

Муз'ем вис'ямын основной севооборотлэн 4 но 7 номеро бусыосаз, участок сизыл гыремын кык улэ 20-22 сантиметр мурдалаен.

## Орчытоно таё мероприятиосы:

а) 20 гектар вылын лымы жегатов;

б) нюр-котэз сохранить карон понна вань тулыс зиг-заг усыен вань площадез одиг полэс усыан;

в) тракторной культиваторен ваньзэ кык улэ гыремез 10-12 сантиметр мурдалаен культивировать карон, со дыре ик зиг-заг усыен кык полэс усыяса;

г) кизёноз орчытоно вань площадь вылын рядовой способен, со пблэсь 40 гектар вылын шахматной порядокен но 20 гектар вылэ яровизировать карем кидысэз;

д) 2-3 пол вань площадез вылын жаг-турынэз урон;

е) сортовой участок вылын сортовой прополка.

## 4. Йыды

Муз'ем вис'ямын основной севооборотлэн 2 номеро бусыаз. Предпосевникэз зег.

## Орчытоно таё мероприятиосы:

а) тракторной плуген тулыс 20 сантиметр мурдалае гырон, со дыре ик кык полэс зиг-заг усыен усыяса;

б) кизен орчытоно вань площадь вылын рядовой способен;

в) кизем юсты 2-3 пол жаг-турынлэсь урон;

г) семенной участок вылын сортовой прополка орчытон.

## 5. Сезы

Муз'ем вис'ямын основной севооборотлэн 1 но 2 номеро бусыаз. Кык улэ гыремын 85 гектар, тулыс гыроно 150 гектар.

## Орчытоно таё мероприятиосы:

а) тракторной культиваторен 85 гектар кык улэ гыремез 8-10 сантиметр мурдалае культивировать карон, со дыре ик зиг-заг усыен кык полэс усыяса.

б) тракторной плуген 150 гектарез 20 сантиметр мурдалае тулыс гырон, зиг-заг усыен кык полэс усыяса;

в) кизено рядовой способен;

г) кизем юсты 2-3 пол жаг-турынлэсь уроно.

## 6. Кбжы

Муз'ем вис'ямын основной севооборотлэн 1 номеро бусыаз.

## Орчытоно таё мероприятиосы:

а) 20 сантиметр мурдалае тулыс гырон;

б) зиг-заг усыен кык полэс усыан;

в) кбжылысь кидысэз цитропизировать карон;

г) рядовой способен кизен;

д) кизем музэз катокен чоккытатон;

е) посевез 2-3 пол жаг-турынлэсь урон;

ж) кбжылысь вредительёсын кизен (кбжы тлэен но слоникен) нюр'яскыно.

## 7. Клевер (1-ой но 2-ой укос)

Басытэ основной севооборотлэсь 5-6 номеро бусыез.

## Орчытоно таё мероприятиосы:

а) 1-й укослэн вань площадез вылын вань тулыс катокен чоккытатон;

б) семенной участкаез жаг-турынлэсь кык урон;

в) клеверлэсь 1-й укосэз вань площадь вылын турнам бере усыан.

## 8. Клевер кизен

Кизено основной севооборотлэн 2 номеро бусыаз. Покрывной культураез—йыды.

## Орчытоно таё мероприятиосы:

а) покрывной культуралэсь (йыдылэсь) высевной нормаез синэтоно 20 процентлы.

б) 30 гектар вылын клевер кизёноз орчытоно рядовой способен;

в) 50 гектар вылын клевер кизёноз орчытоно разбросной способен;

г) одиг нунал но библ лэзено покрывной культураез киземен но клевер подсеять каронэн вис лунэз, клевер кидысэз волокушаен дыраз заделат карыса (согыса).

## 9. Картофка но корнеплод'ёс

Муз'ем вис'ямын приусадебной севооборотын.

## Орчытоно таё мероприятиосы:

а) 20-22 сантиметр мурдалае предпосевной гырон но усыан;

б) яровизированной кидысэз плуг улэ картофка мерттон;

в) корнеплод'ёсты мерттоно широко-рядной способен;

г) корнеплод'ёсты двухрядной прореживать карон;

д) картофкаез двухрядной окучивать карон;

е) 2-3 пол жаг турынэз кык урон.

## 10. Силосной но вожын сиюнолы йика

Муз'ем вис'ямын приусадебной севооборотын.

## Орчытоно таё мероприятиосы:

а) 20-22 сантиметр мурдалае тулыс гырон, 2 полэс зиг-заг усыен усыяса;

б) силоснойёсты кизено широко-рядной способен.

## 11. Пар

Муз'ем вис'ямын основной севооборотлэн 3-5 бусыаз.

## Орчытоно таё мероприятиосы:

а) толалтэ но тулыс лудэ кыед поттон но сое 100-120 возэн огазе локан. Кыед лок локан интысь лымыез октыське но муз'ем вылэ 20-30 сантиметр збкта куро тырыське;

б) торф дасян но поттон;

в) 25 маезь пар жутоп но зигзаген усыан;

г) 15 июньлэсь бере кылытэк кыедэз но торфез кытэтэ гырем улэ пазян;

д) тракторной культиваторен нырысетйэ но кытэтйэз культивировать карон: нырысетйэ 5-7 сантиметр мурдалае но кытэтйэз 8-10 сантиметр мурдалае;

е) киземлэсь 12-15 нунал азьло тракторной плуген предпосевной гырон но со ббрэсь усыан;

ж) кизено рядовой способен, со пблэсь 30 гектарэз шахматное. Та план разработать но утвердить карены колхозник'ёслэн общоной собраниязы.

Агроном ДЕКТЯРЕВ,

Колхозлэн председателез

ГЛАВАТСКИХ,

Счетовод МОШКЕН, бригадир'ёс:

ПОНОМАРЕВА, ШКЛЯЕВ, МАЛЫХ,

парторг БАЖЕНОВ.

## АНТИРЕЛИГИОЗНОЙ БЕСЕДАС

### Кытысь потйэ „рождество“ сярысь сказка

„Рождество христово“ — религиозной праздник, кудйз сиземын сказочной „спасительлэн“ Исус Христослэн культэзлы. Наука возматйз, что христос ноку но ой вал, ноку но вордскылымтэ.

Кытысен но кызы кылдйз „рождество“ праздник? Римской государственын, кудйзлэн территориэз вылын огкык сюрс ар талэсь азьло кылдйз христианской религия, пёртэмэз калык'ёслэн асьсэлэн религиязы, асьсэлэн инмар'ёсы но асьсэлэн религиозной праздник'ёсы вал. Сыче тужгес тодмо языческой инмар'ёс пёлын вал Митра, „Шундылэн инмарез“.

Та инмарез утён кутскиз вашкала дыре сыче условнослэн влиянизья, куд'ёсаз соку улэзы земледелец'ёс но скотовод'ёс. Инкуазез вормыны быгатымтэнызы, соос оскылды что шунды — сыче благодетельной инмар, кудыз югыт но шунды сэтэ. адымиосты но пудоуезд урод дух'ёслэсь возьма. Ваш-

кала адымиос оскылды, что толалтэ шунды ляб шунтон дыр'я но нунал'ёс вакчи луон дыр'я шундыо Митра кулылэ. Куке нунал кузёмыны ке кутске, шунды кемагес пиштэ но юнгес ке шунтэ, соку Митра кулэмысь л у л ' я с ь к е н о выльысь, пе, вордске.

Толлэн тулыс пала берытсконэз луэ 25 декабре, „толалтэ шунды берытскон“ нуналэ. Соин ик та нуналэз язычник'ёс, Митралэн поклонник'ёсыз асьсэлэн религиозной праздникинызы каризы но сое нимазы „шундыо инмарлэн Митралэн вёрдскемез“ шуса.

Нылетй даур кутскыку христианской церковь узыр но влиятельной организациен луиз. Римской император Константин соку христианствоэз государственной ралигия шуса ялыз, сое аслаз опораеныз лэстыз, а христианской церковьник'ёс императорской властиы служить карыны выжины.

Империнысь языческой насе-

лениез христианство кыскон сэрэн церковьник'ёс кутскизы люканы пёртэм пумо языческой верованиосты, обряд'ёсты но праздник'ёсты, од'язы соосты Христос сярысь асьсэлэн сказкаоссылы приспособливать карыны. Соку соос язычник'ёслэсь ик заимствовать каризы „рождество Митры“ праздникез но. Римской император'ёс талэсь азьло ик та праздникез государственной, ваньмызы обязательно ялызы.

Куке Киевской князь Владимир (дасэтй даурлэн пумаз) но солэн приемник'ёсыз, вашкала греческой поп'ёслэн юрттэменызы Русе христианской религиез вёлдыны хугскизы, соку „рождество христово“ праздник валчеськиз религиозной славянской праздникез—озы нимаскысь „Святки“ праздникез. Древней славян'ёс „Святки“ праздникез утылызы сельскохозяйственной уж'ёсты быдэстэм бере.

Рождество праздниклэн аслаз кузь историез вань, нош со бз кылды поп'ёслэн верамзы.

Религиозной праздник'ёс асьме странаын капиталистической прошлойлэн туж вредной пережитокеныз луо. Сталин эш указывать карылыз, что „религиозной предрассудок'ёс научалы пумит мыно, но котькыёче религия наукилы противоположной макеен луэ“. Рождествоен валче черкен проповедывать карем идеяос — чиданы, врагез яратыны, „инмысь мозмон лыктэмлы“ оскыны идеяос—трудящйёс понна вредное но соосты эксплуататор'ёс использовать каро массаосын революционной настроенносты быдтон сэрэн.

„Рождество“, мукет религиозной праздник'ёс музэн ик, прэгул'ёсын орче, соос жегатэ производственной план'ёсты дырыз дыр'я быдэстыны.

Религия солэн праздник'ёсыныз, соин пычатэм предрассудок'ёсын—люкетэ социалистической лэстыськонлы, трудящйёслы вредной луэ.

Н. Румянцев.

Отв. редактор

Г. Пономарев.